

Dul i ngleic le Constaicí ar Vacsaíniú Léargais Phríomhúla ó Shuirbhéanna ar fud an AE

Réamhrá:

Tá an vacsaíniú ar cheann de na huirlisí is éifeachtaí sa tsláinte phoiblí, ach tá éagothromaíochtaí ann fós maidir le glacadh leis an vacsaíniú ar fud an AE. Is minic a bhíonn na héagothromaíochtaí sin mar thoradh ar idirghníomhaíocht chasta idir fachtóirí iompraíochta, sóisialta agus sistéamacha. Faoi Thasc 2 “Measúnú ar constaicí ar vacsaíniú” rinneadh dhá shuirbhé mhórsála i 27 Ballstát an AE: ceann amháin dírithe ar an bpobal i gcoitinne agus ceann eile dírithe ar ghairmithe cúraim sláinte. Bhí sé mar aidhm ag na suirbhéanna sin cinntithigh glactha vacsaíne ar leibhéal an duine agus ar leibhéal an chórais araon a fháil.

Le chéile, cuireann na suirbhéanna sin bonn fianaise saibhir ar fáil chun tuiscint a fháil ar nádúr ilghnéitheach ghlacadh vacsaíní san AE. Cuireann príomhthorthaí, agus impleachtaí beartais a eascraíonn as na sonraí, léarscáil bhealaigh ar fáil chun clúdach vacsaínithe agus cothromas a fheabhsú ar fud na mBallstát.

Modheolaíocht

Suirbhé ar an bPobal i gCoitinne

Bhailigh an suirbhé ar an bpobal i gcoitinne freagraí ó **25,889 duine a bhí 16 bliana d’aois agus os a chionn**. Rinneadh an tsampláil a shrathú de réir inscne, aoise agus réigiúin chun ionadaíocht náisiúnta a chinntiú. Rinneadh an suirbhé ar líne chun claonadh inmhiannaitheachta sóisialta a laghdú, go háirithe maidir le ceisteanna a bhain le dearcadh agus stádas vacsaínithe pearsanta.

Bhí an ceistneoir struchtúrtha timpeall ar chreat **Spreagthaí Iompraíochta agus Sóisialta (BeSD)** na hEagraíochta Domhanda Sláinte, ina n-aithnítear ceithre réimse a mbíonn tionchar acu ar ghlacadh vacsaíne:

- ◆ **Smaointeoireacht agus Mothú:** Freagairtí cognaíocha agus mothúchánacha ar vacsaíní agus ar ghalair is féidir a chosc le vacsaíniú.
- ◆ **Próisis Shóisialta:** Tionchar norm sóisialta agus moltaí ó fhoinsí iontaofa.
- ◆ **Spreagadh:** Réidh le vacsaín a fháil, ag iarraidh vacsaín a fháil nó drogallach vacsaín a fháil.
- ◆ **Baic phraiticiúla:** Baic a tháinig romhainn agus seirbhísí vacsaíne á rochtain, amhail costas, suíomh, agus sceidealú.

Suirbhé ar Ghairmithe Cúraim Sláinte

Bhailigh an suirbhé ar ghairmithe cúraim sláinte **2,510 freagra** ó dhochtúirí teaghlaigh, pédiatraithe, mná cabhrach, altraí agus cógaiseoirí trí Phainéal Cúraim Sláinte Kantar. Socraíodh spriocanna samplacha in aghaidh na tíre chun éagsúlacht na vacsaíní agus na struchtúr institiúideach a léiriú. Cé nár bailíodh sonraí ar leibhéal réigiúnach, chinntigh an suirbhé clúdach leathan náisiúnta.

Forbraíodh an ceistneoir i gcomhar le saineolaithe leighis agus clúdaíodh ocht réimse théamacha ann:

- ◆ Saintréithe cleachtais
- ◆ Dearcthaí agus iompraíochtaí othar
- ◆ Tuairimí gairmiúla ar vacsaíniú



- ◆ Córais faisnéise agus monatóireacht
- ◆ Oiliúint agus inniúlacht
- ◆ Cleachtais chumarsáide agus moltaí
- ◆ Soláthar agus lóistíocht vacsaíne
- ◆ Baic shistéamacha bhraite

Samhaltú Staitistiúil

Chun anailís a dhéanamh ar shonraí an tsuirbhé, baineadh úsáid as cur chuige cúlchéimnithe loighisticiúil il-leibhéil, a chuimsigh athróa ar leibhéal an duine agus ar leibhéal na tíre araon. Áiríodh sa phróiseas samhaltaithe:

- **Crainn Cúlchéimnithe Breisiúcháin Bhayesacha (BART)** chun na hathróa is intuatha ar leibhéal na tíre a aithint ó bhreis is 150 táscaire.
- **Pas-stráitéisiú agus athualú** chun freagraí an tsuirbhé a chur in oiriúint do dháileachtaí ar leibhéal an daonra
- **Samhaltú cásanna** chun meastacháin a dhéanamh ar fheabhsuithe féideartha i gclúdach vacsaíní má dhéileáiltear le baic áirithe.

Rinneadh sonraí ar leibhéal na tíre a shuibhriú le táscairí ón mBanc Domhanda, Eurostat, Transparency International, agus saíneolaithe náisiúnta. Áiríodh leo sin méadrachtaí ar rialachas, bonneagar cúraim sláinte, rochtain idirlín, modhanna for-rochtana, agus samhlacha maoinithe vacsaínithe.

Príomhthorthaí

Léirigh anailís ar an dá shuirbhé uile-AE, ceann amháin dírithe ar an daonra i gcoitinne agus an ceann eile ar ghairmithe cúraim sláinte, tírdhreach casta fachtóirí iompraíochta, sistéamacha agus lóistíochta a mbíonn tionchar acu ar ghlacadh vacsaíne. Tá na torthaí sin struchtúrtha timpeall ar chinntithigh ar leibhéal an duine aonair, tréithe an chórais cúraim sláinte, agus tionchar idirghabhálacha beartais.

1. Cinntithigh ar Leibhéal an Duine Aonair

Sa suirbhé ar an bpobal i gcoitinne, laistigh de cheithre phríomhréimse chreat BeSD, aithníodh roinnt fachtóirí agus cinntithigh a mhúnlaíonn cinntí vacsaínithe:

- **Smaointeoireacht agus Mothú:** Ba iad muinín i sábháilteacht vacsaíní, muinín i ngairmithe cúraim sláinte, agus eagla roimh fho-iarmhairtí, na príomhréamh-mheastacháin do vacsaín a bheith á hiarraidh agus á glacadh ag duine.
- **Próisis Shóisialta:** Bhí tionchar suntasach ag moltaí ó sholáthraithe cúraim sláinte agus ag noirm shóisialta a shíltear a bheith ag daoine (teaghlach, piaraí, ceannairí reiligiúnacha) ar chinntí.
- **Spriagadh:** Bhí éagsúlacht ann i dtaca le toilteanas vacsaíniú a fháil idir na cineálacha vacsaíní, agus breathnaíodh toilteanas níos airde i gcás theanndáileoga an fhliú shéasúraigh agus COVID-19.
- **Fadhbanna Praiticiúla:** Luadh go minic baic amhail nósanna imeachta áirithe doiléire, uaireanta teoranta sa chlinic, agus costais iompair.

Bhí ról ag fachtóirí déimeagrafacha amhail aois, oideachas, stádas fostaíochta, agus litearthacht sláinte freisin, agus glacadh níos airde leis an vacsaín ag daoine níos óige agus níos oile i gcoitinne.

2. Dearcchaí na nGairmithe Cúraim Sláinte

Leag an suirbhé ar ghairmithe cúraim sláinte béim ar dhúshlán éagsúla shistéamacha:

- **Ualaí Riaracháin:** Chuir córais ilroinnte mhonatóireachta agus easpa clárlann láraithe bac ar sheachadadh éifeachtach vacsaíní.

- **Oiliúint agus Cumarsáid:** Thuairiscigh go leor gairmithe nach raibh dóthain oiliúna acu i gcumarsáid vacsaíní agus i mbainistíocht leisce.
- **Soláthar agus Rochtain:** Bhí soláthar teoranta vacsaíní agus vacsaíneoirí, go háirithe i gceantair thuaithe, ina fhadhb athfhillteach.
- **For-rochtain agus Meabhrúcháin:** Tugadh le fios gur deiseanna caillte a bhí i gcórais chuimhneacháin agus i bhfeachtais for-rochtana neamhleor chun an ráta glactha a mhéadú.

3. Léargais agus Samhaltú ar Leibhéal na Tíre

Ag baint úsáid as Crainn Cúlchéimnithe Breisiúcháin Bhayesacha (BART) agus samhlacha cúlchéimnithe il-leibhéil, d'aithin an staidéar 20 réamh-mheastachán suntasach ar leibhéal na tíre maidir le glacadh vacsaíne. Ina measc bhí:

- **Rialachas agus Muinín:** Léirigh tíortha a raibh éifeachtúlacht rialtais agus muinín shóisialta níos airde acu torthaí vacsaínithe níos fearr.
- **Bonneagar Digiteach:** Bhí baint dhearfach ag rochtain ar an idirlíon agus úsáid ardán sláinte digiteach le glacadh leis.
- **Ullmhacht an Chórais Sláinte:** Ba réamh-mheastacháin láidre iad infhaighteacht (i.e. líon) leapacha cúraim leighis agus leibhéil feasachta sláinte.

4. Cásanna “Cad a tharlódh dá mba rud é” agus Tionchar Beartais

Léirigh samhaltú cásanna gur féidir le hidirghabhálacha beartais spriocdhírthe feabhsuithe intomhaiste a thabhairt i gclúdach vacsaíne. Mar shampla:

- **Maoiniú Vacsaíní Leanaí i gCúram Príomhúil:** I dtíortha gan an tacaíocht seo, bheifeá ag súil le clúdach MMR idir 85.2% agus 93.7%. D'fhéadfadh maoiniú an clúdach a mhéadú faoi 1–2 phointe céatadáin.
- **Córais For-rochtana agus Mheabhrúcháin:** Léirigh tíortha a raibh bearta for-rochtana láidre acu, lena n-áirítear scéimeanna meabhrúcháin (e.g. an Danmhairg), glacadh níos airde, go háirithe agus for-rochtain dhigiteach agus pháipéarbhunaithe á gcomhcheangal.

Mar sin féin, bhí éifeacht fhoriomlán na n-idirghabhálacha aonair measartha, rud a chuireann béim ar an ngá atá le straitéisí ilghnéitheacha atá oiriúnaithe do chomhthéacsanna náisiúnta.

Léiríonn na torthaí ó shuirbhéanna agus ó chleachtaí samhaltaithe ar fud an AE conclúid shoiléir: tá gá le gníomhaíocht spriocdhírthe chun feabhas a chur ar ghlacadh le vacsaín chun baic leanúnacha a bhaint. Ní fadhbanna aonraithe iad na baic sin, go háirithe baic riaracháin, phraiticiúla, airgeadais, shistéamacha agus fhaisnéiseacha, ach dúshlán idirnasctha a éilíonn freagraí comhordaithe.